



**ALEGACIÓNS AO PROXECTO DE DECRETO POLO QUE SE APROBA O PLAN  
REITOR DE USO E XESTIÓN DO PARQUE NATURAL COMPLEXO DUNAR DE  
CORRUBEDO E LAGOAS DE CARREGAL E VIXÁN**

**ALEGACIÓN AO PROXECTO DE DECRETO POLO QUE SE APROBA O PLAN REITOR DE USO E XESTIÓN  
DO PARQUE NATURAL COMPLEXO DUNAR DE CORRUBEDO E LAGOAS DE CARREGAL E VIXÁN**

© Escalada Sostenible Galicia (ESGa). Outubro 2018. Todos os dereitos reservados.  
Queda prohibida a reproducción total ou parcial, en calquera medio, sen a expresa autorización dos  
proprietarios do copyright.

© Escalada Sostenible Galicia (ESGa). Octubre 2018. Todos los derechos reservados.  
Queda prohibida la reproducción total o parcial, en cualquier medio, sin la expresa autorización de los  
proprietarios del copyright.



A Coruña 29/10/2018

**Asunto: Alegacións ao Proxecto de Decreto polo que se aproba o Plan Reitor de Uso e Xestión do Parque Natural Complexo Dunar de Corrubedo e Lagoas de Carregal e Vixán.**

Don Miguel Feijóo Fernández con número de DNI 44458263E, en nome e representación de **ESCALADA SOSTENIBLE - Delegación Galicia (ESGa)**, con CIF G-86478112 e domicilio a efecto de notificacións en Apdo. Correos 105, Mugardos C.P. 15620, contando co **aval da Federación Galega de Montañismo e o apoio das seguintes asociacións de montañismo e escalada** (ver Anexo 4):

- Sociedad Montaña Ártabros.
- Agrupación Montañeros Independientes (AMI).
- Clube de Montaña Pico do Castro.
- Agrupación de Montaña e Escalada Bestarruza.
- Club de Montaña O Caxado.
- Club de Montaña O Veral.
- Asociación de Escaladores Ourensáns (ASESOU).
- Club Montañeiros Celtas.
- Club Peña Trevinca - Montañeiros de Galicia.
- Club Montañeiros de Pontevedra.
- Clube de Montaña e Escalada Azimut.
- Clube de Montañismo A Peniza.
- Grupo de Montaña Alud.

Con motivo do anuncio do 19 de setembro de 2018, da Dirección Xeral de Patrimonio Natural, proxecto de decreto polo que se aproba o Plan reitor de uso e xestión do Parque Natural Complexo Dunar de Corrubedo e Lagoas de Carregal e Vixán durante un período de 45 días naturais, contados a partir do día seguinte ao da súa publicación oficial no DOG, a cal tivo lugar o 26 de setembro de 2018, ante este organismo como mellor proceda en Dereito,

**EXPÓN:**

I.- Que, segundo o Decreto 37/2014, de 27 de marzo, as actividades de escalada e alpinismo “*precisará de autorización expresa do órgano autonómico competente en materia de conservación da natureza, que á vista da solicitude poderá fixar condicións específicas para a súa realización ou, no seu caso, a súa prohibición cando poida afectar de forma apreciable ao estado de conservación dos hábitats de interese comunitario ou aos hábitats das especies de interese para a conservación*”

O Decreto considera como **autorizables a escalada e o alpinismo** “*cando se realice sobre afloramentos rochosos e non leve consigo unha afección apreciable para o estado de conservación dos hábitats do anexo I da Directiva 92/43/CEE, ou sobre os núcleos poboacionais das especies de interese para a conservación*”.

II.- Que existe unha pequena zona de escalada en bloque, na cal se leva practicando escalada tradicionalmente de forma particular dende principios dos anos 80 (zona delimitada no Anexo 1) dentro do espazo do Parque Natural, e por conseguinte, está dentro dunha zona especial de conservación (ZEC) recollida no Decreto 37/2014 de 27 de marzo.

Máis concretamente esta zona de escalada atópase en “Zona de Protección”, segundo indican as unidades de zonificación establecidas no Plan Director da Rede Natura 2000 de Galicia, e “Zona 1-Uso limitado” segundo o actual proxecto de PRUX do Parque Natural, e compõe dun pequeno grupo de penedos que no seu conxunto ocupa unha superficie total aproximada duns 200 m<sup>2</sup> (0,02 ha), o cal supón apenas un 0,00002% das 996,35 ha totais do parque natural.

III.-Que, dende a entrada en vigor do Decreto 37/2014, de 27 de marzo, **existe a tendencia por parte da Administración a interpretar a normativa exclusivamente a través de autorizacións nominais**, sen diferenciar a práctica particular da escalada -como actividade física-, da actividade deportiva organizada como pode ser a realización de competicións, cursos,...

Tras las experiencias observadas, é posible concluír que este sistema de autorización nominal xeneralizado, podendo ser axeitado no caso de eventos deportivos organizados, no caso da práctica habitual da escalada como actividade física no medio natural, prexudica notablemente debido ás súas características intrínsecas.

A práctica da escalada en modo non organizado, en moitas ocasións non está suxeita a programación, xa que depende moi directamente das condicións meteorolóxicas. **Esta característica de escasa antelación non sería viable nun sistema administrativo de solicitud, revisión e autorización nominal.** Por outro lado, é común que haxa participantes que, por circunstancias persoais ou de contorno, tomen a decisión de ir a escalar no mesmo día no que se produce a actividade, sen posibilidade de proceder a un sistema de autorización nominal.

Así, a solicitude nominal de autorización para un sector en concreto **trunca a flexibilidade necesaria da práctica habitual**, especialmente para os abondosos practicantes foráneos que veñen de visita esporádica ou puntual (turismo activo). Descoñecedores de certos detalles do entorno e das propias vías de escalada, estes precisan dunha flexibilidade na autorización que lles permita adaptar a súa xornada de escalada ás condicións coas que se atopan no momento.

IV.- Esta parte entende que o desenvolvemento dunha **regulación a través da autorización permanente e revisable** por cada zona de escalada, é compatible dende o punto de vista xurídico coas autorizacións previstas no Decreto 37/2014. Do mesmo modo, suporía un apoio importante desde o punto de vista sociolóxico e económico na comarca, conseguindo a través das actividades permanentes no medio natural un cumprimento superior dos obxectivos das normas reguladoras dos espazos naturais protexidos a nivel autonómico e europeo.

V.- A escalada en bloque é unha actividade deportiva que se practica no medio natural, de xeito que promove, ademais de hábitos de vida saudables, o coidado e respecto á natureza e o medio ambiente. Trátase, ademais, dunha actividade que non xera ruídos, emisións de gases á atmosfera, vertidos a augas nin residuos (máis alá dos que podan estar relacionados coa presenza e tránsito de persoas).

Neste caso concreto, ao igual que sucede en case todas as zonas de escalada en boulder de Galicia, a actividade lévase a cabo en áreas de rocha exposta, sen apenas vexetación e de valor xeolóxico convencional, sen que se supoña ningún tipo de ameaza para a conservación das especies vexetais da área (protexidas ou non). Do mesmo xeito, ao tratarse dunha actividade diúrna, pouco ruidosa e realizarse en zonas expostas, non ten por que supoñer unha ameaza para o desenvolvemento de especies animais do entorno.

Polo que respecta aos accesos, os penedos distribúense nas proximidades do centro de interpretación do Parque Natural na Praia do Vilar, a escasos metros das pasarelas de acceso á praia, polo que a única afección que podería considerarse é a erosión producida polo paso de xente dende a pasarela ata as bases dos penedos, os cales xa están definidos polos sendeiros en uso existentes.

Por outra banda, se falamos da capacidade de acollida do medio, cabe destacar que aínda sendo a escalada unha actividade relativamente popular, as peculiaridades desta zona de escalada, non dan en ningún caso lugar a grandes concentracións de xente practicánda ao mesmo tempo. Así mesmo, durante a meirande parte do ano, e durante longos períodos de tempo non se practica escalada nesta zona, sendo visitada ocasionalmente por escaladores locais, normalmente fóra da época estival.

Por todo o anterior, co fin de conseguir que a redacción do futuro PRUX do Parque Natural Complexo Dunar de Corrubedo e Lagoas de Carregal e Vixán concorde coa súa **implantación harmónica e consensuada, en liña coa realidade da práctica da escalada nos espazos naturais protexidos**, e en base aos argumentos presentados,

#### **PROPÓN:**

**1.- Que un representante da asociación Escalada Sostenible Galicia poida asistir ás reunións da xunta consultiva**, en calidade de asesoramento técnico en actividades relacionadas coa escalada en virtude do establecido no artigo 7º do Decreto 265/2007, -Asistencia de expertos ás reunións das xuntas consultivas. A presidencia poderá convidar ás reunións das xuntas consultivas a expertos/as ou persoas que garden especial relación co espazo natural protexido, que participarán nestas reunións con voz pero sen voto.

Este asesoramento técnico resultaría fundamental, xa que, entre outras aportacións, dito representante coñece a escalada e as súas implicacións no medio, coñece experiencias doutras contornas naturais, está inmerso no deporte e relaciónnase con outros clubs e asociacións nacionais, coñece a xestión da actividade noutras áreas naturais españolas e internacionais, coñece outras regulacións autonómicas, pode axudar a establecer límites de uso da actividade e coñece unha gran variedade de escolas de escalada e ordenación de uso.

**2.- Que sen vulneración da normativa aplicable, o PRUX do Parque Natural Complexo Dunar de Corrubedo e Lagoas de Carregal e Vixán conteemple a escalada como unha actividade regulada dentro do parque natural e que esta regulación se estableza **da seguinte maneira**:**

- **Consideración expresa da escalada como actividad autorizada de forma permanente e revisable** (entendida esta como actividad física tradicional que se practica de forma cotidiana, espontánea e particular), sempre e cando non se demostre unha afección apreciable dos valores naturais derivada da súa práctica.
- **Autorización previa de carácter nominal e específica por actividad, exclusivamente para os eventos deportivos organizados** (competicións, cursos,...).
- **Limitación da escalada por sectores e temporadas** no caso de ser necesario, en base a estudos previos que demostren a incidencia negativa da actividad nese lugar para un valor natural en concreto, como poden ser motivos de nidificación de aves ou similares.
- **Determinación de accesos e áreas de estacionamento autorizados.**
- **Poderase autorizar o mantemento de camiños**, sempre que non afecte significativamente a hábitats prioritarios ou especies protexidas.

Para un mellor cumplimento da normativa propónense os seguintes puntos:

1.- Creación dun **equipo de traballo multidisciplinar**, que valore de maneira obxectiva o estado ambiental das localizacións dos sectores de escalada, e que estaría constituído polos seguintes membros:

- Técnico/s de escalada.
- Técnico/s do Parque Natural.
- Técnico/s de Conservación da Natureza da Xunta de Galicia.
- Especialista/s no desenvolvemento de inventarios naturais para recoñecementos de campo.

Os **obxectivos específicos** deste equipo de traballo serán:

- 1) Visitas a campo aos sectores de escalada e identificación de especies protexidas ou en área de potencial vulnerabilidade.
- 2) Análise dos accesos e alternativas de menor impacto.
- 3) Clasificación das vías existentes mediante un indicador obxectivo de potencial vulnerabilidade, empregando coeficientes como distancia a taxons a protexer, áreas de nidificación, accesibilidade, etc.
- 4) Proposta de eliminación e mantemento de vías de escalada, en función do indicador obtido.
- 5) Proposta de boas prácticas e plan xestor de escalada no entorno do complexo dunar de Corrubedo e lagoas de Carregal e Vixán, incluíndo criterios tanto para o uso das vías existentes como os criterios que serán necesarios para a apertura de novos sectores (proxecto, análise, autorización, condicionados, etc).
- 6) Proposta colaborativa dende Escalada Sostenible Galicia (ESGa) para a axuda aos técnicos encargados do seguimento ambiental do Parque en áreas de difícil acceso, mediante a posta a disposición do Parque de técnicos cualificados e material axeitado para labores de acceso, instalación de elementos de seguimento,

reportaxes fotográficas e outras medidas que na actualidade non poden desenvolverse dada a dificultade que presenta a orografía do terreo.

2.- **Información e divulgación** oportuna das correspondentes regulacións que se apliquen (telemáticamente, nos propios accesos mediante carteis informativos,...).


3.- Elaboración dunha **guía de boas prácticas** (Anexo 3).

4.- Consideración das zonas de escalada como **espazos deportivos non convencionais no medio natural**.

Considérase que esta proposta de regulación é **totalmente compatible cos obxectivos e directrices** determinados no PORN do Parque Natural Complexo Dunar de Corrubedo e Lagoas de Carregal e Vixán e o Plan Director da Rede Natura 2000 de Galicia, en tanto que **racionaliza** a práctica deste deporte dentro do Parque Natural, beneficiando aos practicantes desta modalidade deportiva **sen que afecten apreciablemente os valores a protexer** do Parque Natural, á vez que ten un **efecto positivo no desenvolvemento socioeconómico da comarca**.

## ANEXO 1

### Cartografía



## ANEXO 2

### Definicións

**Escalada en bloque :** Tamén chamada escalada en boulder, é unha modalidade que consiste fundamentalmente en subirse a penedos ou pequenas paredes, que normalmente non superan os 7 metros de altura.

Na escalada en bloque, o escalador busca na rocha un itinerario a resolver, que tanto pode ser cara arriba como lateralmente. Este tipo de escalada destaca por concentrar a dificultade en traxectos curtos ou moi curtos (de 2 a 7 metros, normalmente).

Neste tipo de escalada, non se instala ningún tipo de ancoraxe na rocha como medida de seguridade nin se utilizan os materiais de protección convencionais da escalada deportiva (corda, arnés, mosquetóns, etc.)

Xeralmente empréganse colchonetas portátiles chamadas "crash pad" sobre as que salta o escalador, podéndose ver acompañado da pericia atenta dos compañeiros (porteiros), os cales reforzan a protección das colchonetas.

### **ANEXO 3**

#### **Guía de boas prácticas**

- 1.- Estacionar nos lugares permitidos.
- 2.- Transitar sempre por sendas e camiños existentes, evitando abrir novos camiños.
- 3.- Utilizar os sanitarios habilitados ou intentar vir co traballo feito da casa.
- 4.- Está prohibido fazer lume fora das areas habilitadas.
- 5.- Non deixar ningún tipo de lixo.
- 6.- Respectar as regulacións na protección do entorno, da fauna e flora (sistema dunar, nidificación, etc).
- 7.- Non recolectar prantas, poderían estar ameazadas.
- 8.- Respectar e protexer a biodiversidade do lugar.
- 9.- Acampar só nos lugares habilitados para elo.
- 10.- Minimizar a emisión de ruídos.
- 11.- Manter controlados os animais de compañía. Evitar así molestias á fauna local outros usuarios.
- 12.- Non alimentar á fauna salvaxe.
- 13.- Respectar as fincas privadas, aos veciños e a súa forma de vida.
- 14.- Solicitar as autorizacións pertinentes no caso de abrir novas zonas de escalada.
- 15.- Conservar a beleza xeolóxica do lugar, evitar deixar posibles restos de magnesio.
- 16.- Practicar o consumo local. A escalada é un medio de activación económica do lugar.
- 17.- Ante escaladores ou outras persoas que podan estar incumprindo as boas prácticas, compre tentar explicarllas para que realicen una escalada mais respectuosa co medio ambiente. Actuar sendo un bo exemplo a seguir.

#### ANEXO 4

Proposta elaborada e presentada por



Subscriben:



Federación Galega de Montañismo



Sociedad de Montaña Ártabros



Agrup. Montañeros  
Independientes (AMI)



Clube de Montaña Pico do Castro



Agrupación de Montaña e Escalada  
Bestarruza



Club de Montaña O Caxado



Club de Montaña O Veral



Asociación de Escaladores  
Ourensáns (ASESOU)



Club Montañeiros Celtas



Club Peña Trevinca - Montañeiros  
de Galicia



Club Montañeiros de Pontevedra



Clube de Montaña e Escalada  
Azimut



Clube de Montañismo A Peniza



Grupo de Montaña Alud

